




REPUBLIKA E KOSOVËS
REPUBLIC OF KOSOVA - REPUBLIKA KOSOVA
KOMUNA E GJILANIT
MUNICIPAL GJILAN - OPŠTINA GNJILANE - GILAN BELEDIYESI



DREJTORIA PËR ZHVILLIM EKONOMIK

UDHËZUESI PËR APLIKANTËT

THIRRJE PUBLIKE

FONDI PËR SUBVENCIONIMIN E BIZNESEVE START-UP DHE BIZNESET E GRAVE 2023

Autoriteti kontraktues:

Komuna e Gjilanit

Afati për dorëzimin e aplikacioneve:

Nga 25.07. 2023 deri me 08.08.2023 ora 16:00

Përmbajtja

1. THIRRJA PUBLIKE „FONDI PËR PËR SUBVENCIONIMIN E BIZNESEVE START-UP DHE BIZNESET E GRAVE " 2023.....	3
1.1. Synimi Kryesor	3
1.2. Synimet specifike	3
1.3. Përkrahja financiare publike e ofruar nga autoriteti kontraktues	4
1.4. Vlera monetare e granteve	4
1.5. Bashkëfinancimi në projekt	4
2. RREGULLAT PËR APLIKIM	5
2.1. Kriteret dhe dokumentet e nevojshme për aplikim	5
2.2. Dokumentet që duhet plotësuar për aplikim	5
2.3. Kostot e Kualifikueshme	6
2.4. Kostot e pa kualifikueshme	7
2.5. Veprimtaritë që nuk kualifikohen	8
3. FAZAT E VLERËSIMIT	8
4. PROCEDURAT QË DUHEN NDJEKUR PËR APLIKIM	9
4.1 Procedurat që duhen ndjekur për aplikim	9
4.2 Afati i fundit për aplikim	10
4.3 Numri i aplikimeve dhe granteve për aplikantë	10
4.4 Informata të mëtutjeshme për aplikim.....	10
4.5 Kohezgjatja dhe Plani i veprimit	10
4.6 Nënshkrimi i Kontratës	11
4.7 Orari indikativ.....	12

1. THIRRJA PUBLIKE „FONDI PËR SUBVENCIONIMIN E BIZNESEVE START-UP DHE BIZNESET E GRAVE " –2023

Komuna e Gjilanit per here te pare lanson “Fondin per subvencionimin e bizneseve start-up dhe bizneset e grave” qe per synim ka promovimin dhe mbeshtetjen e sektorit privat per zgjerimin e kapaciteteve te bizneseve prodhuese dhe sherbyese, rritjen e konkureshmerise se produkteve dhe sherbimeve, krijimin e vendeve te reja te punes, krijimi i mundesive bizneseve per qasje ne financa, zevendesimi i importeve dhe nxitja e eksportit si dhe zhvillimin e pergjithshem ekonomik lokal. Për të arritur rezultate të qëndrueshme të zhvillimit ekonomik lokal, është e domosdoshme që të mundësohen forma te reja të prodhimit dhe të teknologjive të reja për të rritur produktivitetin, stabilitetin, dhe qëndrueshmërinë e bizneseve në sistemin e prodhimit, përpunimit dhe shërbimit.

Komuna e Gjilanit dhe Drejtoria për Zhvillim Ekonomik, ka për objektiv të mbështes këto kategori: prodhimin, përpunimin dhe shërbimet. Nga segmenti i prodhimit veçohen (por nuk kufizohet) produktet nga plastika, druri, llamarinat, lëkura, prodhimi i ushqimit, artizanatet, pije etj. Nga veprimtaria përpunuese veçohen (por nuk kufizohet): përpunimi i frutave, përpunimi i perimeve, etj. Ndërsa në kuadër të veprimtarisë së shërbimeve do të përkrahen bizneset si: gastronomia, studiot e marketingut digjital dhe të fotografisë, shërbime filmike dhe të produksionit, riparim të pajisjeve elektrike, shërbimet e arkitekturës, shërbime të parukerisë, shërbime të programimit (softver), etj.

Gjithashtu ky fond inkurajon aplikime me projekte inovative nga grate dhe te rinjte sikur qe ju bene thirrje komuniteteve jo shumice te aplikojne ne kuader te kesaj thirrje.

Komuna e Gjilanit permes ketij fondi mbetet e perkushtuar e mbeshtese projektet e qendrueshme te udhehequra nga grate, te fuqizoj grate dhe te rinjet ne te berit biznes si dhe te rrise kapacitet e tyre profesionale, menaxheriale per nje qendrueshmeri afatgjate te biznesit.

Komuna e Gjilanit do te organizoj sesion informues per aplikantet potencial / bizneset sa i perket procesit te aplikimit.

1.1. Synimi Kryesor

Kjo thirrje publike ka per synim kryesor zhvillimin e ekonomisë lokale përmes mbështetjes për bizneset ekzistuese dhe krijimin e bizneseve të reja duke ofruar mbështetje në ngritjen e kapaciteteve për bizneset ekzistuese dhe avancime të reja teknologjike në pajisje dhe makineri të nevojshme në procesin e punës. Po ashtu përmes mbështetjes publike dhe krijimit të bizneseve start up synohet zvogëlimi i papunësisë.

1.2. Synimet specifike

- Zvogëlimi i papunësisë përmes krijimit të vendeve të reja të punës, me theks të veçantë për gratë dhe të rinjtë;

- Përkrahja e zhvillimit të bizneseve të reja dhe atyre me potencial në rritje;
- Stimulimi i zhvillimit ekonomik lokal përmes prodhimit dhe përpunimit;

1.3. Përkrahja financiare publike e ofruar nga autoriteti kontraktues

Buxheti i kësaj thirrje është 135,000.00€ (njqind e tridhjetë e pese mijë euro) prej te cilave shuma prej 85,000.00€ do te ndahet per bizneset start-up ndersa shuma prej 50,000.00€ do te ndahet per bizneset ekzistuese te grave. Autoriteti Kontraktues rezervon të drejtën të mos shpërndajë te gjitha mjetet në dispozicion, apo të ndryshojë shumën në varësi buxhetore.

Komuna e Gjilanit, shumën e fondit të vendosur në dispozicion për vitin 2023, do ta ndajë në dy kategori:

- **LOT 1- Bizneset Start Up;**
- **LOT 2- Biznese ekzistuese te grave (Ndërmarrjet mikro dhe të vogla);**

(me nje qarkullim prej 1,000,00 € deri në 20,000,00 € nga viti i fundit kalendarik te deshmua nga ATK)

1.4. Vlera monetare e granteve

Çdo aplikacion i dorëzuar në këtë thirrje për mbështetje publike duhet të jetë brenda shumave vijuese minimale dhe maksimale:

LOT 1- Start-up

Nga 500.00€ deri në 3,000.00€;

LOT 2- Biznese ekzistuese te grave (Ndërmarrjet mikro dhe të vogla)

Nga 1,000.00€ deri në 5,000.00€;

1.5. Bashkëfinancimi në projekt

Përqindja e bashkëfinancimit nga aplikantët është obligative. Bashkëfinancimi i nevojshëm në kategorinë Start-up, nga 10% deri 40%. Shuma qe kerkohet nga Komuna e Gjilanit nuk mund te jete më pak se 60% e vleres totale te projekt propozimit.

Bashkëfinancimi i nevojshëm në kategorinë Biznese Ekzistuese te grave nga 20% deri 40%. Shuma qe kerkohet nga Komuna e Gjilanit nuk mund te jete më pak se 60% e vleres totale te projekt propozimit.

Kontributi në natyrë nuk konsiderohet bashkëfinancim.

Para nënshkrimit të kontratës do të kërkohej të dëshmohet shuma e bashkëfinancimit përmes llogarisë bankare të aplikantit.

2. RREGULLAT PËR APLIKIM

Ky udhëzues përcakton rregullat, kushtet dhe kriteret e pranueshme si dhe ato të papranueshme në procesin e thirrjes për mbështetje publike që nga faza e aplikimit, përzgjedhjes dhe implementimit. Në këtë thirrje janë tri kriteret e kualifikueshme:

- Aplikantët që mund të kërkojnë mbështetje publike;
- Veprimtaritë për të cilat mund të jepet mbështetja publike;
- Lloji i kostove që mund të merret në përcaktimin e shumës së mbështetjes publike.

2.1.Kriteret e nevojshme për aplikim per LOT 1-Bizneset Start-up

1. Regjistrimi i biznesit duhet të bëhet para nënshkrimit të kontratës. Bizneset duhet të jenë të regjistruara në Zyrën për Regjistrimin e Bizneseve në Komunën e Gjilanit.
2. Të jetë biznes që operon në Komunën e Gjilanit, ku edhe do të bëhet investimi;
3. Të gjenerojë punësim me marrjen e grantit. Biznesi duhet të punësojë së paku një punonjës me marrjen e grantit. Punësimi i më tepër se një punonjësi për biznesin konsiderohet përparësi,
4. Përparësi kanë bizneset që udhëhiqen nga gratë, të rinjtë nën moshën 35 vjeçare, si dhe komunitetet jo shumicë;
5. Pronari/ja i/e biznesit duhet të jete banor i Komunes se Gjilanit.

2.2. Dokumentet që duhet plotësuar për aplikim LOT 1- Start-up përfshijnë:

1. Formulari i Aplikimit për LOT 1- Bizneset Start UP; (Shtojca A1)
2. Buxheti dhe burimet e financimit; (Shtojca B)
3. Kopja e dokumenti identifikues personal valid i lëshuar nga Republika e Kosovës;
4. Oferta (Profatura) për pajisjet/makineritë e planifikuara në projekt (*oferta duhet të përmbajë të dhëna të sakta të ofruesit në ofertë dhe të dhëna të sakta të marrësit të ofertës, gjithashtu oferta nuk duhet të jetë më e vjetër se data e shpalljes së kësaj thirrje për mbështetje*). ¹ **Ofertat duhet të jenë vetëm në valutën EURO**

Vërejtje: Dokumentet e listuara më lartë duhet të jenë me dukshmëri të qartë. Dokumentet për aplikim mund të shkarkohen nga web faqen zyrtare të Komunës së Gjilanit.

¹ Për aplikacionet fituese, pas nënshkrimit të kontratës, oferta/profatura nuk mund të ndërrohet pa miratimin e komisionit.

2.3 Kriteret e nevojshme për aplikim për LOT 2 -bizneset e grave

1. Të jetë ndërmarrje në pronësi të grave dhe 100% private (sipas definicionit të Kosovës) regjistruar në Kosovë sipas ligjeve të Kosovës.
2. Të jetë i regjistruar për aktivitetet e parapara me veprimin e propozuar në kohën e pranimin të grantit;
3. Të jetë biznes që operon në Komunën e Gjilanit, ku edhe do të bëhet investimi;
4. Të gjenerojë punësim me marrjen e grantit. Biznesi duhet të punësojë së paku një punonjës me marrjen e grantit. Punësimi i më tepër se një punonjësi për biznesin konsiderohet përparësi,
5. Pronarja i/e biznesit duhet të jete banor i Komunes se Gjilanit.

2.4. Dokumentet që duhet plotësuar për aplikim LOT 2-Bizneset e grave përfshijnë:

1. Formulari i Aplikacionit për bizneset ekzistuese të grave; (Shtojca A2)
2. Buxheti dhe burimet e financimit; (Shtojca B)
3. Kopja e dokumenti identifikues personal valid i lëshuar nga Republika e Kosovës;
4. Certifikatën e regjistrimit të biznesit me të gjitha informatat përcjellëse sipas kërkesave të legjislacionit në fuqi në Republikën e Kosovës, certifikata duhet të jetë e re, lëshuar nga ARBK sipas numrit unik identifikues; (e aplikueshme për bizneset ekzistuese)
5. Listën e punëtorëve për vitin e fundit fiskal (2022) të lëshuar nga ATK (mund të nxjerret online nga uebfaqja e ATK-së).
6. Vërtetim tatimor (jo më i vjetër se data e shpalljes së kësaj thirrje publike) me të cilën vërtetohet se aplikuesi nuk ka borxhe aktuale tatimore të pashlyera apo obligime)
7. Deshmia për qarkullimin financiar për vitin paraprak (2022) nga ATK
8. Oferta(Profatura) për pajisjet/makineritë e planifikuara në projekt (*oferta duhet të përmbajë të dhëna të sakta të ofruesit në ofertë dhe të dhëna të sakta të marrësit të ofertës, gjithashtu oferta nuk duhet të jetë më e vjetër se data e shpalljes së kësaj thirrje për mbështetje*).¹
Ofertat duhet të jenë vetëm në valutën EURO
9. Foto të objektit ekzistues të biznesit si dhe pajisjeve ekzistuese (fotot duhet të jenë të dukshme qartë).

Vërejtje: Dokumentet e listuara më lartë duhet të jenë me dukshmëri të qartë. Dokumentet për aplikim, mund të shkarkohen nga web faqja zyrtare e Komunës së Gjilanit.

¹ Për aplikacionet fituese, pas nënshkrimit të kontratës, oferta/profatura nuk mund të ndërrohet pa miratimin e komisionit.

2.5. Kostot e Kualifikueshme

Llojet vijuese të aktiviteteve në përputhje me synimet e thirrjes llogariten si shpenzime të kualifikueshme, dhe mund të financohen sipas kësaj Thirrjeje Publike:

Investimet në asete të prekshme që kanë të bëjnë me blerjen e pajisjeve, makinerisë, linjat e prodhimit, softuerë, si dhe të ngjashme apo/dhe përmirësimin e proceseve dhe metodave prodhuese si dhe duke përfshirë asetet që mund t'i ndihmojnë kompanive të jenë më pak të varura nga faktorët e jashtëm;

2.6. Kostot e pa kualifikueshme

Kostot vijuese nuk kualifikohen:

- Borxhet dhe tarifat e mbulimit të borxhit;
- Provizionet për humbje dhe detyrime potenciale të ardhshme;
- Interesat e borxhit;
- Tatimet në të hyra;
- Shpenzimet e deklaruar nga përfituesi dhe të mbuluara nga ndonjë veprim apo program tjetër pune;
- Blerja e tokës, ndërtimi apo riparimi i stabilimenteve/strukturave (përfshirë stabilimentet e depozitimit apo stabilimente/struktura të ngjashme);
- Humbjet në këmbim të valutës;
- Kreditë ndaj palëve të treta;
- Gjobat, ndëshkimet financiare dhe shpenzimet gjyqësore;
- Kontributet në natyrë;
- Shpenzimet e amortizimit, që normalisht duhet të jenë pjesë e mënyrës në të cilën ndahen fitimet;
- Tarifat bankare, shpenzimet e garancive dhe tarifa të ngjashme;
- Kostot e artikujve apo pajisjeve të përdorura;
- Pagat dhe medijt;
- Shpenzimet e lëndës së parë;
- Shpenzimet tjera operationale (qiraja, rryma, uji etj.)
- Automjetet e transportit;
- Shpenzimet e transportit;
- Inventari (Tavolinat, karriget dhe dollapet, në përjashtim ato që ndërlidhen në mënyrë specifike me veprimtarinë)

Nëse kostot e pakualifikueshme arrijnë shumën mbi 20% të vlerës së projektit aplikacioni refuzohet.

Çdo tentim për mashtrim (p.sh. falsifikimi i faturave, blerja e makinave apo pajisjeve të përdorura, etj.) do të ndëshkohet me mos-pagesë të asaj pjese që është subjekt i mashtrimit dhe ndëshkime shtesë deri në përjashtim total nga pagesa, siç parashihet me sistemin ndëshkimor që është pjesë e kontratës.

Është në interesin e aplikantit të paraqes **buxhet realist dhe efektiv për kostot.**

2.7. Veprimtaritë që nuk kualifikohen

Tregtia (me pakicë e shumicë), **ndërtimtaria, bujqësia** (çdo pajisje apo aktivitet që ndërlidhet me fushëveprimtarinë e bujqësisë që financohet nga Drejtoria e Bujqësisë dhe Ministria Bujqësisë, përjashtimisht pajisjet/makineritë për prodhimin dhe përpunimin e produkteve) **arsimi dhe shëndetësia janë sektorë që NUK KUALIFIKOHEN.**

3. FAZAT E VLERËSIMIT

3.1. Kontrolli Administrativ

Në fazën e kontrollit administrativ të aplikacioneve për grante, Komuna e Gjilanit do të shqyrtojë dhe verifikojë aplikacionet e pranuar. Në këtë fazë verifikohet se a janë dorëzuar të gjitha dokumentet e nevojshme të kërkuara në udhëzues.

Në përgjithësi, faza e kontrollit administrativ të programit të grantit është një hap i rëndësishëm për të siguruar që fondet e grantit të shpërndahen në mënyrë të drejtë dhe efektive, dhe që projektet e zgjedhura janë në përputhje me udhëzimet në këtë dokument. **Aplikimet që nuk kalojnë kontrollen administrative, nuk kalojnë në fazën e dytë të vlerësimit.**

Vlerësimi i Aplikacioneve do të përfshijë një kontroll administrativ për të siguruar që aplikantët kanë përmbushur rregullat e kualifikimit (p.sh. aplikantët janë shtetas të Kosovës, si dhe biznesi është regjistruar në Kosovë dhe vepron në territorin e Komunës së Gjilanit).

3.2. Vlerësimi i projekt-propozimit – kriteret

Projektet që kalojnë fazën e kontrollit administrativ, kalojnë në fazën e vlerësimit të projektit. Kjo fazë do të përfshijë vlerësimin e zbatueshmërisë dhe impaktit të mundshëm të projekteve të propozuara, si dhe rëndësinë e tyre për ekonominë dhe komunitetin lokal.

Procesi i vlerësimit teknik do të konsiderojë nëse aplikacioni demonstroi që ndërmarrja ka perspektivë të mirë të të qenit e suksesshme dhe e qëndrueshme, si dhe që implementimi do të

kontribuojë drejt përmbushjes së synimeve të kësaj thirrje publike për të ndihmuar zhvillimin ekonomik lokal.

Vlerësimi bëhet me poentim nga Komisioni Komunal, duke u bazuar në tabelën e më poshtme, e cila rrjedh nga qëllimet e kësaj thirrjeje.

	Pikët
Ideja e biznesit dhe inovacioni	Totali(30 pikë)
Idetë inovative	10 pikë
Potenciali për adresimin e një nevoje ose një problemi real	10 pikë
Potenciali për eksport	10 pikë
Potenciali i tregut dhe përvoja e aplikuesit	Totali(25 pikë)
Madhësia e tregut dhe potenciali i rritjes	10 pikë
Avantazhi konkurrues dhe diferencimi	10 pikë
Përvoja dhe aftësitë përkatëse të aplikuesit	5 pikë
Qëndrueshmëria financiare	Totali(20 pikë)
Parashikime financiare realiste dhe të realizueshme	10 pikë
Potenciali për përfitim dhe qëndrueshmëri afatgjate	10 pikë
Ndikimi social dhe mjedisor	Totali(25 pikë)
Aplikuesi është i moshës 18 deri në 35 vjeç	5 pikë
Projekti ka ndikim pozitiv në ambient	5 pikë
Aplikuesi është grua	5 pikë
Aplikuesi është pjesëtar i komunitetit pakicë	5 pikë
Aplikuesi është me aftësi të kufizuara	5 pikë
	TOTALI : 100 Pikë

¹Kalueshmëria e projektit është mbi 50 pikë.

3.3. Kontrolla në terren

Gjatë fazës së kontrollit në terren, komisioni i Komunës së Gjilanit do të vizitojë vendet ku biznesi i zhvillon aktivitetet dhe do të verifikojë nëse gjendja e aplikuesit në terren është në përputhje me projekt-propozimin e dorëzuar nga aplikuesi.

Nëse nuk ka përputhshmëri në mes të projekt-propozimit dhe gjendjes në terren, projekt propozimi do të skualifikohet.

4. PROCEDURAT QË DUHEN NDJEKUR PËR APLIKIM

4.1 Periudha e aplikimit do të jetë e hapur nga **25.07.2023 deri me 08.08.2023**. Aplikimi bëhet duke plotësuar shtojcat e parapara në pikën 2.2. për LOT 1-Start up dhe 2.4 për LOT 2- Bizneset ekzistuese të grave dhe duke bashkangjitur dokumentet e kërkuara në keto pika të këtij udhëzuesi.

Aplikacionet duhet të plotësohen në formë kompjuterike duke mos ndryshuar formatin e aplikacioneve të dizajnuara nga Komuna e Gjilanit për këtë thirrje. Aplikacionet e shkruara me dorë nuk do të pranohen.

Vetëm formularët e plotësuar me të gjitha informatat relevante në lidhje me veprimtarinë, do të kalojnë për vlerësim.

Në rastet kur ka mos përputhje të vlerave buxhetore në projekt, konfuzitet në përshkrim të projektit dhe gabim në përdorimin e formateve të përcaktuara në thirrjen për propozime, projekti do të skualifikohet.

Komuna e Gjilanit nuk është përgjegjëse për koston që ndërlidhet me përgatitjen e aplikacionit dhe se këto shpenzime nuk janë të pranueshme nëse përfshihen në projekt.

Aplikacionet mund të plotësohen në gjuhën shqipe dhe serbe.

4.2 Afati i fundit për aplikim

Afati i fundit për aplikim është 08.08.2023, në ora 16:00. Aplikacionet e kompletuara në një kopje fizike duhet të dorëzohen në zarf të mbyllur në Qendrën për Shërbime me Qytetarë (QSHQ), Komuna e Gjilanit me shenimin “FONDI PËR SUBVENCIONIMIN E BIZNESEVE START-UP DHE BIZNESET E GRAVE”, emri i plotë i aplikuesit si dhe LOT-in për të cilin aplikohet.

Aplikacionet e pranuar pas përfundimit të këtij afati nuk do të merren parasysh në çfarëdo rrethane.

4.3 Numri i aplikimeve

Një aplikant nuk mund të dorëzojë më shumë se një aplikacion në këtë thirrje publike.

Në rast se konstatohet se ndonjë aplikant ka dorëzuar më tepër se një aplikacion në këtë Thirrje publike, i njëjti do të diskualifikohet. Përfituesit (pronarët e bizneseve) që kanë përfituar grante nga donator vendor dhe nderkombëtar gjatë vitit 2021 dhe 2022 nuk kanë të drejtë aplikimi për këtë thirrje.

4.4 Informata të mëtutjeshme për aplikim

Drejtoria per Zhvillim Ekonomik do të organizoj sesion informues si dhe do të caktojë zyrtarë përgjegjës për dhënien e informacioneve rreth kesaj thirrje. Megjithatë, pyetjet shitesë mund te dergohen në email-in: info.gjilani@rks-gov.net më së voni deri më **02.08.2023** deri në ora **16:00**. Me rastin e parashtrimit të pyetjeve ato duhet të jenë të qarta e të detajuara si dhe duhet specifikuar qartë pyetjen si dhe LOT-in të cilës i referohet.

DZHE nuk ka për obligim të ofrojë qartësime të mëtutjeshme ndaj pyetjeve që dorëzohen pas datës **02.08.2023**

4.5 Kohëzgjatja apo plani i veprimit:

Kohëzgjatja e planifikuar e projektit nuk mund të tejkalojë dy (2) muaj (përveç nëse ndryshe parashihet me kushtet e kontratës).

4.6. Nënshkrimi i Kontratës dhe Ankesat

Komuna e Gjilanit do të themelojë komision të pavarur dhe profesional për vlerësimin e aplikacioneve. Pas shqyrtimit të aplikacioneve do të bëhet publikimi i listës preliminare. Pas publikimit të rezultateve preliminare aplikantët e pakenaqr mund të adresojnë ankesa përmes Qendres per Sherbim me Qytetare ne Komunen e Gjilanit brenda 5 dite nga data e publikimit të rezultateve.

Pas shqyrtimi të ankesave do të bëhet publikimi i listes finale te perfituesve dhe do te behet nënshkrimi i kontratave me perfitues.

Pas përzgjedhjes dhe para nënshkrimit të kontratës, janë të nevojshme këto dokumente:

- Konfirmimi nga banka për xhirollogarinë bankare.
- Dëshmia bankare për deponimin e mjeteve te bashkëfinancimit.
- Çertifikata e regjistrimit me informatat përcjellëse (për LOT 1-bizneset start up).
- Raporti Kreditor i lëshuar nga Banka Qendrore e Kosovës (per pronarin /pronaret dhe per biznesin).

4.7 Orari Indikativ

Aktiviteti	Data	Ora	Vendi
1.Hapja per aplikim	25.07.2023		Webfaqe te Komunes se Gjilanit
2. Sesioni informues	01.08.2023	11:00-13:00	Salla e Kuvendit Komunal, Gjilan
3.Afati i fundit per parashtrimin e pyetjeve	02.08.2023	16:00	info.gjilani@rks-gov.net
4.Data e fundit qe Autoriteti Kontraktues jep sqarime ne pyetjet e parashtruara	06.08.2023	16:00	Webfaqe te Komunes se Gjilanit
5.Afati i fundit per aplikim	08.08.2023	16:00	Qendra per Sherbim me Qytetar (QSHQ)
6.Publikimi i rezultateve preliminare	08.09.2023		Webfaqe te Komunes se Gjilanit
7. Mbyllja e afatit te ankesave	12.09.2023	16:00	QSHQ
8. Kthimi i pergjigjeve paleve lidhur me ankesa	18.09.2023	08:00-16:00	QSHQ
9 .Nenshkrimi i kontratave	22.09.2023		DZHE, Komuna e Gjilanit